

漢魏六朝百三家集

王侍仲集題辭

袁顯思兄弟爭國王仲宣爲劉荊州
遺書苦諫今讀其文非獨詞章縱橫
其言誠仁人也昔穎考叔一言能感
鄭莊使母子如初仲宣二書疾呼泣
血無救闔墻袁氏將喪頑子執兵卽

蘇張復生何益哉子桓子建交怨若
仇仲宣婉變其間耦俱無猜身沒之
後太子臨喪陳思作誄素旗表德頌
言不忘彼固善處人骨肉亦繇其天
性宿深長於感激不但和光宴詠爲
兩公子樓護也孟德陰賊喜殺賢士

仲宣詠史託諷黃鳥披文下涕幾秦
風矣高平上冑世爲漢公遭時流離
依徙荆許以七哀之悲爲顯廟之頌
擇木而窮雅誹見志世謂其詩出李
陵今觀書命亦相近也

婁東張溥題

王侍中集目錄

賦

遊海賦

登樓賦

浮淮賦

初征賦

羽獵賦

思友賦

傷天賦

出婦賦

寡婦賦

神女賦

閑邪賦

大暑賦

酒賦

瑪瑙勒賦

車渠椀賦

迷迭賦

柳賦

槐賦

白鶴賦

鸚鵡賦

鵲賦

鶯賦

書

爲劉荊州與袁譚書

爲劉荊州與袁尚書

檄

爲荀彧與孫權檄

七

七釋

記

荊州文學記

論

務本論

三輔論

難鍾荀太平論

儒吏論

爵論

又

安身論

務本論畧

儒吏論畧

連珠

連珠四首

贊

正考父贊

反金人贊

銘

刀銘

有序

硯銘

麤賓鐘銘

無射鐘銘

鐘簠銘

祭文

弔夷齊文

樂府

太廟頌三首

俞兒舞歌四首

矛俞新福歌

弩俞新福歌

安臺新福歌

行辭新福歌

詩

贈蔡子篤

贈士孫文始

贈文叔良

思親詩

襍詩

襍詩四首

七哀詩三首

詠史詩

公讌詩

從軍詩五首

附錄

本傳

王侍中集目錄

王侍中集卷全

魏山陽王粲仲宣著

明太倉張溥天如閱

賦

遊海賦

乘茵桂之芳舟浮大江而遙逝翼驚風而長驅
集會稽而一睨登陰隅以東望覽滄海之體勢
吐星出日天與水際其深不測其廣無臬尋之
冥地不見涯洩章亥所不極盧敖所不屆懷珍

藏寶神隱恠匿或無氣而能行或含血而不食
或有葉而無根或能飛而無翼鳥則爰居孔鵠
翡翠鷗鷯繽紛往來沈浮翱翔魚則橫尾曲頭
方目偃頤大者若山陵小者重鈞石乃有賁蛟
大貝明月夜光螭鼈瑇瑁金質黑章若夫長洲
別島旗布星峙高或萬尋近或千里桂林藂乎
其上珊瑚周乎其趾羣犀代角巨象解齒黃金
碧玉名不可紀洪洪洋洋誠不可度也處嵎夷
之正位兮同色號於穹蒼包納污之弘量正宗

廟之紀綱、總衆流而臣下爲百谷之君王、

登樓賦

登茲樓以四望兮、聊暇日以銷憂、覺斯宇之所
處兮、實顯敞而寡仇、挾清漳之通浦兮、倚曲沮
之長洲、背墳衍之廣陸兮、臨臯隰之沃流、北彌
陶牧、西接昭邱、華實蔽野、黍稷盈疇、雖信美而
非吾土兮、曾何足以少留、遭紛濁而遷逝兮、漫
踰紀以迄今、情眷眷而懷歸兮、孰憂思之可任、
憑軒檻以遙望兮、向北風而開襟、平原遠而極

目兮蔽荆山之高岑路逶迤而修迥兮川旣漾
而濟深悲舊鄉之壅隔兮涕橫墜而弗禁昔尼
父之在陳兮有歸歟之歎音鍾儀幽而楚奏兮
莊舄顯而越吟人情同於懷土兮豈窮達而異
心惟日月之逾邁兮俟河清其未極冀王道之
一平兮假高衢而騁力懼匏瓜之徒懸兮畏井
渫之莫食步棲遲以徙倚兮白日忽其將匿風
蕭瑟而並興兮天慘慘而無色獸狂顧以求羣
兮鳥相鳴而舉翼原野閒其無人兮征夫行而